


šest biblijskih istina

POTRAGA za RADOŠĆU






Svi ljudi traže sreću.

Svi bez izuzetka.

Kakva god sredstva da koriste, svi teže ka njoj.

Razlog zbog kojeg neki kreću u rat a neki ga izbjegavaju, proizilazi iz iste želje koja se nalazi i u jednim i u drugima, a koja je praćena različitim mišljenjima.

Ovo je motiv za svaki postupak svakog čovjeka, čak i onih osoba koje izvrše samoubistvo.



Blaise Pascal

JESI LI ZNAO

DA NAM JE BOG DAO ZAPOVIJEST

DA TRAŽIMO SREĆU?

"Sva radost tvoja neka bude Jahve,
On će ispuniti želje tvoga srca!" (Psalam, 37:4)

Zašto se onda čini da tu sreću ne možemo pronaći...?

1. BOG NAS JE STVORIO NA SVOJU SLAVU

"Sinove mi dovedi iz daleka, i kćeri moje s kraja zemlje,
...koje sam na svoju slavu stvorio." (Izaija, 43:6-7)

Bog nas je stvorio da uveličamo Njegovu slavu na isti način na koji teleskopi uveličavaju zvijezde. Stvorio nas je da ispoljimo Njegovu dobrotu, istinu, ljepotu, mudrost i pravičnost. Najbolji način na koji ispoljavamo Božiju slavu dolazi iz dubokog uživanja u svemu onome što On jeste. Ovo znači da Bog prima hvalu, a mi zadovoljstvo. Bog nas je stvorio, tako da je najproslavljeniji u nama onda kada smo mi najzadovoljniji u Njemu.

2. SVAKI ČOVJEK TREBA DA ŽIVI NA BOŽIJU SLAVU

"Prema tome, bilo da jedete, bilo da pijete, bilo da što drugo činite,
sve činite na slavu Božiju!" (1 Korinćanima, 10:31)

Ako nas je Bog stvorio na svoju slavu onda je jasno da treba i da živimo na Njegovu slavu. Naše dužnosti proizilaze iz Njegove namjere. Prema tome, naša prva obaveza je da pokažemo Božiju veličinu tako što ćemo biti zadovoljni sa svim onim što On jeste za nas. Ovo je suština ljubavi prema Bogu (Matej, 22:37), povjerenja u Njega (1 Ivanova, 5:3-4) i zahvalnosti (Psalam, 100:2-4). To je korijen istinite poslušnosti - posebno ljubavi prema drugima (Kološanima, 1:4-5).

3. SVI SMO MI IZNEVJERILI I NIKO NE SLAVI BOGA ONAKO KAKO BI TREBAO

"Jer svi su sagriješili i lišeni su Božije slave." (Rimljanima, 3:23)

Šta znači "biti lišen Božije slave"? To znači da niko od nas nije vjerovao i cijenio Boga onako kako bi trebao. Nismo bili zadovoljni Njegovom slavom i životom po Njegovoj volji. Svoje zadovoljstvo smo vidjeli u drugim stvarima, odnoseći se prema njima kao nečemu što vrijedi više od Boga - što je suština idolopoklonstva (Rimljanima, 1:21-23). Obzirom da je grijeh došao na svijet, svi smo postali duboko otporni na to da imamo Boga kao blago kojim smo u potpunosti zadovoljni (Efežanima, 2:3). Ovo je užasna uvreda Božije slave (Jeremija, 2:12-13)

4. SVI MI SMO SUBJEKTI BOŽIJE PRAVEDNE OSUDE

"Jer plaća je grijeha smrt..." (Rimljanima, 6:23)

Svi smo mi omalovažili Božiju slavu. Kako? Davanjem prednosti drugim stvarima u odnosu na Njega, te našom nezahvalnošću, sumnjom i neposlušnošću. Bog je, prema tome, pravedan kada nam ne dozvoljava da uživamo u Njegovoj slavi u vječnosti. "Oni će biti kažnjeni vječnom propašću: udaljeni 'od Gospodnjega lica i od njegove silne slave, onoga dana kada dođe da se proslavi u svojim svetima!'" (2 Solunjanima, 1:9) Riječ "pakao" se u Novom Zavjetu koristi dvanaest puta - jedanaest puta je koristi sam Isus. Pakao nije mit koji su izmislili sumorni i ljuti propovjednici. To je ozbiljno upozorenje Mesije koji je umro da grešnike oslobodi prokletstva. Mi tu istinu - na našu veliku opasnost - ignoriramo. Kada bi Biblija ovdje stala sa svojom analizom ljudskog stanja, bili bismo osuđeni na beznadnu budućnost. Ovo, međutim, nije mjesto gdje to prestaje...

5 **BOG JE POSLAO SVOG JEDINO SINA - ISUSA - DA OBEZBIJEDI LJUDIMA VJEČNI ŽIVOT I RADOST**

**"Sigurna je riječ i zaslužuje punu vjeru:
Krist Isus dođe na svijet da spasi grešnike..." (1. Timoteju, 1:15)**

Radosna vijest jeste da je Krist umro za grešnike kao što smo mi. Potom je u tijelu uskrsnuo iz mrtvih da potvrdi spasonosnu silu svoje smrti i da otvori vrata vječnog života i radosti. (1. Korinćanima, 15:20). Ovo znači da Bog može opravdati okrivljene grešnike a ipak ostati pravedan (Rimljanima, 3:25-26). "Jer i Krist je jedanput umro zbog grijeha, pravedan za nepravedne, da nas privede k Bogu." (1. Petrova, 3:18). Doći kući - Bogu - je mjesto na kojem nalazimo potpuno, duboko i trajno zadovoljstvo.

6 **KORISTI KOJE SU PROIZIŠLE IZ KRISTOVE SMRTI PRIPADAJU ONIMA KOJI SE POKAJU I POVJERUJU MU**

**"Dakle, obratite se i povratite se da vam se izbrišu grijesi." (Djela, 3:19)
"Vjeruj u Gospodina Isusa - pa ćeš se spasiti..." (Djela, 16:31)**

"Pokajanje" znači okretanje od varljivih slasti grijeha. "Vjera" znači biti zadovoljan sa svim onim što nam je Bog obećao u Kristu. "Tko vjeruje u me, sigurno neće nikada ožednjeti" (Ivan, 6:35). Ne zarađujemo spasenje. Ne možemo ga naslijediti (Rimljanima, 4:4-5). Dobijamo ga milošću kroz vjeru (Efežanima, 2:8-9). To je besplatan dar (Rimljanima, 3:24). Imat ćemo ga ako ga negujemo iznad svega drugog (Matej, 13:44). Kada tako činimo, Božiji cilj stvaranja je ispunjen: On je proslavljen u nama, a mi smo zadovoljni u Njemu - zauvijek.

Da li ti sve ovo ima smisla?

Želiš li takvu vrstu radosti koja proizilazi iz zadovoljstva u svemu onome što je Bog za tebe u Isusu? Ako je tako, onda je Bog na djelu u tvom životu.

Šta bi trebao da uradiš?

Okreni se od varljivih slasti grijeha. Zazovi Isusa da te spasi od krivice, od kazne i od ropstva. "Tko god zazove ime Gospodnje, spasit će se" (Rimljanima, 10:13). Počni da stavljaš svoju nadu u sve ono što Bog jeste za tebe u Isusu. Slomij silu grijeha vjerom u nadmoćno zadovoljstvo koje donose Božija obećanja. Počni čitati Bibliju kako bi pronašao Njegova velika i dragocjena obećanja koja te mogu osloboditi (2. Petrova, 1:3-4). Pronađi crkvu čija su vjerovanja utemeljena na Bibliji i počni da odlaziš na bogoslužjenja i da rasteš zajedno sa drugim vjernima koji, iznad svega, visoko cijene Krista (Filipljanima, 3:7).

Najbolja vijest na svijetu je da ne mora postojati konflikt između naše sreće i Božije svetosti. Zadovoljstvo sa svim onim što Bog jeste za nas u Isusu, veliča Njega kao najveće blago.

"Pokazat ćeš mi stazu u život, puninu radosti pred licem svojim, sebi zdesna blaženstvo vječno." (Psalam, 16:11)

"Naša su srca nemirna sve dok ne pronađu odmor u Tebi."

(Augustin)

"Sva radost tvoja neka bude Jahve: On će ispuniti želje tvoga srca!"

(Psalam, 37:4)

"Kušajte i vidite kako dobar je Jahve."

(Psalam, 34:9)

"Dođite k meni svi koji ste umorni i opterećeni, i ja ću vas okrijepiti. Uzmite jaram moj na se i učite od mene, jer sam krotka i ponizna srca.

**Tako ćete naći pokoj svojim dušama,
jer jaram je moj sladak, a moje breme lako."**

(Matej, 11:28-30)

"O svi vi koji ste žedni, dođite na vodu; ako novca i nemate, dođite.

Bez novca i bez naplate kupite vina i mlijeka!"

(Izaija, 55:1)

Kontakt:

